

饒與婦翁相頡頏萬山徙雲南故十舍亦受株累非無因也至滇上時西平侯沐春深撫慰也側見余氏女風致端閒宛然仙格願請贖於十舍十舍允焉及入西平府薄其嫁貲不豐頗不爲禮余女曰公所利者財耳措之極易教備汞鎔之脫金環投入其內有聲如蟬鳴真汞已乾而環如故以汞指銅鐵悉成金寶無算侯大悅西平侯之鎮雲南也前後七年大修屯政其得力於余夫人者多矣後乞名號於吾拜爲小弟子因名蕙剛字健陽與其父母同服萬山翁大藥遂飛昇於昆明池上

蘆汀夜話

長江月白霜露滿汀萬山先生子欲聞予之出處乎予當生時

道藏輯要

三丰全集 古文

九 續畢集七

一鶴自海天飛來咸謂令威降世後知丁公仍在靈墟予思彼人也我亦人也予豈不得似丁公每嗟光陰之倏忽存沒富貴如風燈草塵以是日夕希大道棄功名撇勢利雲游湖海拜訪名師所授雖多皆旁門小法與真道乖違徒勞動苦延佑初年已六十七心命惶惶幸天憐憫初入終南卽遇火龍先生乃圖南老祖高第物外風儀予踞而問道蒙師鑒我精誠初指煉已功夫次言得藥口訣再示火候細微溫養脫胎了當空虛之旨一一備悉於是知欲進道者必須法財兩用予素游訪兼頗好善傾囊倒篋殆盡安能以償夙願不覺憂行於色師怪問之予揮淚捉膝以告重蒙授以丹砂點化之藥命出山修之立辭恩

師和光混俗將覓真鉛八兩真汞半劬同入造化爐中煅煉轉
制分接九還已周借此貨財以了大事由是起葢丹房一身端
坐虛心養氣虛氣養神氣慧神清廣覓藥材時飲蟠桃酒朝餐
玉池液如醉如癡補氣補血但得汞有半劬可待他鉛八兩月
數將圓金花自現十手捉虎擒龍探得先天一氣徐行火候抽
添自合周天度數知復姤進火退符識卯酉防危慮險十月功
完聖胎顯象九年面壁與道合真所謂跨鶴青霄如大路任教
滄海變桑田也吾之出處大概如此請與子鼓枹而歌以盡今
宵之樂

四皓考

道藏輯要

三丰全集

古文

十

續畢集七

商山四皓皆避秦亂者一曰東園公姓唐名秉字宣明襄邑人

高潔自守遯於邱園故以爲號焉一曰夏黃公姓崔名廓或作廣

字少通僻居夏里修道故自號爲夏黃公一曰角里先生吳人

也泰伯之後姓周名術字元道逍遙自適嘗隱河內更號灞上

先生此皆陳留志所記者獨綺里季不傳焉既閱皇甫謐高士

傳乃知綺里翁者姓朱名暉字文季種芝養命泉石棲真四皓

之清風乃如是哉

八遯序

三丰先生因朝廷屢詔而假遯以深藏乃浩然曰遯之爲用妙
矣哉天子不得臣諸侯不得友不謁君公不逢權貴不以長生